

COMISIÓN INFORMATIVA ESPECIAL DE CONTAS E DE FACENDA E ECONOMÍA

ACTA da mencionada comisión informativa, correspondente ao día **15 de xuño de 2022**

Ás 17.30 horas do día 15 de xuño de 2022, reúnese a comisión informativa Especial de Contas e de Facenda e Economía, no salón de Plenos da Deputación Provincial, coa asistencia dos seguintes deputados e deputadas:

Presidente: D. Plácido Álvarez Dobaño

Deputados/as do Grupo Popular:

D.^a Ana María Villarino Pardo

D. Álvaro José Fernández López

D.^a Consuelo Vispo Seara

D. Miguel Antonio Cid Álvarez

Deputados/as do Grupo Socialista:

D.^a Rosario Rodríguez Delgado

D.^a Elvira Lama Fernández

D. Aurentino Alonso Araújo

Deputado de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa.

Secretario: D. Juan Marquina Fuentes

Interventor: D. José Mosquera Casero

Non asiste don Rosendo Luís Fernández Fernández, do Grupo Popular (substituído por dona Ana María Villarino Pardo)

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 18 DE MAIO DE 2022.-

Pola Secretaría Xeral deuse traslado do borrador da acta anterior, correspondente á ordinaria do día 18 de maio de 2022.

Non se producen intervencións e por maioría a comisión adopta o seguinte o seguinte acordo: Aprobar a acta da sesión ordinaria da Comisión Informativa Especial de Contas e de Facenda e Economía do día 18 de maio de 2022, conforme co borrador elaborado pola Secretaría Xeral.

2º.- PROGRAMACIÓN DO CURSO 2022-2023 E FIXACIÓN DE PREZOS PARA AS ACTIVIDADES DO CCP XAQUÍN LORENZO-ESCOLA DE DANZA

Non se producen intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1) a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar a programación das actividades do CCP Xaquín Lorenzo-Escuela de Danza para o curso 2022-2023, co seguinte contido:

1.- ACTIVIDADES:

- 1– Obradoiro de baile tradicional.
- 2– Obradoiro de canto tradicional e pandeireta.
- 3– Obradoiro de gaita para grupos de acompañamento de baile tradicional.
- 4– Obradoiro de tecido artesán en teares tradicionais.
- 5– Obradoiro de xogos populares

Obradoiro de baile tradicional: dirixidas a todas as persoas interesadas na cultura popular a partir de cinco anos sen límite de idade e sen necesidade de ter coñecementos previos sobre a materia.

- Número de prazas por actividade 200.
- Duración do curso: dende o día 3 de outubro ata o 15 de xuño.
- Horarios de luns a sábado de 17.30 a 21.00 en función da idade e o nivel dos alumnos.
- Tempo de clase será de 1,30 horas semanais.

Obradoiro de canto tradicional e pandeireta: dirixidas a todas as persoas interesadas na cultura popular a partir de cinco anos sen límite de idade e sen necesidade de ter coñecementos previos sobre a materia.

- Número de prazas por actividade 150.
- Duración do curso: dende o día 3 de outubro ata o 15 de xuño.

- Horarios de luns a xoves de 17.30 a 21.00 en función da idade e o nivel dos alumnos.
- Tempo de clase será de 1,30 horas semanais.

Obradoiro de Gaita para acompañamento de grupos de baile tradicional: Dirixidas a todas as persoas interesadas na cultura popular a partir de oito anos sen límite de idade.

- Duración do curso: dende o día 3 de outubro ata o 15 de xuño.
- Número de prazas: 30.
- O tempo de clase: 2 horas semanais.
- Horario: luns de 18.30 a 21.00 e venres de 19.00 a 21.30 (a convir co alumnado) en función da dispoñibilidade, da idade e do nivel dos/das alumnos/as.

Obradoiro de tecido artesán en teares tradicionais: orientado para alumnos/as de 8 anos en adiante, con interese en coñecer as técnicas de tecido artesanal galegas e no que durante o proceso de formación confeccionarán tecidos para a posterior elaboración de vestuario da Escola de Danza da Deputación. Reservarase un período para a elaboración de tecidos para os/as propios/as alumnos/as (neste caso o material correrá a cargo do/da alumno/a).

- Número de prazas por curso 30.
- Duración do curso:
1º curso dende o día 3 de outubro ata o 31 de xaneiro.
2º curso dende o día 1 de febreiro ata o 31 de maio.
- Horarios de luns a venres de 17.00 a 20.00 horas (coa posibilidade de realizalo un día pola mañá en función das circunstancias do alumnado).
- Tempo de clase 3 horas semanais.

Obradoiro de xogos populares: programa gratuíto dirixido a todos os centros educativos de educación primaria e secundaria da provincia de Ourense.

- Duración do curso: o obradoiro realizarase en cada centro entre os meses de novembro e xuño en horario lectivo, con adaptación ao horario lectivo do centro.
 - No período de xuño ata setembro as actividades levaranse a cabo nos concellos e asociacións da provincia, logo de solicitude previa.
 - Recursos materiais. O CCP Xaquín Lorenzo conta con todo o material de xogo preciso para a realización do programa.

2.- PRAZOS E PROCEDEMENTO DE INSCRICIÓN.

- Dende o día 15 de setembro ata o día 31 de outubro formalización da matrícula.
- As inscricións realizaranse no CCP Xaquín Lorenzo, situado no Centro Comercial As Lagoas, Praza Daniel González, no modelo normalizado facilitado no propio Centro tralo pago previo das taxas establecidas.
- Os centros interesados no obradoiro de xogos populares deberán remitirle a súa solicitude ao Rexistro da Deputación a partir do día seguinte ao da publicación destas bases no BOP e ata o día 15 de outubro. Os interesados deberán presentar as solicitudes, dirixidas á Presidencia da Deputación de Ourense, no Rexistro Xeral da Deputación ou a través de calquera outro medio dos previstos no artigo 16.4 de Lei 39/2015, do 1 de outubro, do procedemento administrativo común das administracións públicas.

3.- PREZO PÚBLICO.

-Prezo público das actividades de baile, de canto e pandeireta, e de gaita: será de 40 € en concepto de matrícula. En caso de varios membros da mesma unidade familiar, o primeiro membro pagaría o total da matrícula e os restantes 15 € cada un deles. Aplicaráselles unha bonificación do 100% aos/as alumnos/as que acrediten ser desempregados/as ou fillos/as de desempregados/as. Así mesmo, os/as que teñan recoñecida a condición legal de persoa con discapacidade igual ou superior ao 33%.

-Prezo público por cada obradoiro (outubro-xaneiro e febreiro-maio) de tecido tradicional en teares: será de 55 € en concepto de matrícula.

O aboamento do prezo público realizarase mediante transferencia bancaria.

A programación dos diferentes cursos así como toda a información pertinente estará dispoñible para todos os interesados nas dependencias da propia Escola.

2º.- Ordenar a publicación deste acordo no BOP, para xeral coñecemento.

3º.- PROGRAMACIÓN DA ESCOLA PROVINCIAL DE ARTES E OFICIOS PARA O CURSO ACADÉMICO 2022-2023 E FIXACIÓN DE PREZOS PÚBLICOS.-

D.^a Elvira Lama Fernández, do Grupo Socialista, solicita que as tres programacións que se ditaminan nesta comisión se adapten ao uso da linguaxe non sexista. Solicita igualmente que na programación da Escola de Gaitas se incorpore a bonificación para persoas cun grao de minusvalía igual ou superior ao 33%.

O **presidente da comisión** toma nota das aportacións realizadas.

Non se producen máis intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1) a comisión ditamina favorablemente a adopción, por parte da Xunta de Goberno, do seguinte acordo:

1º) Aprobar a programación da Escola de Artes e Oficios para o curso académico 2022-2023, co seguinte contido:

1.- Accións formativas

A Escola desenvolverá a formación nas seguintes disciplinas artísticas:

Debuxo e iniciación á pintura

Perfeccionamento en pintura

Talla e escultura en madeira

Modelado-escultura en barro

Oleiría

2.- Calendario

O calendario do curso será dende o día 3 de outubro de 2022 ao día 30 de xuño de 2023.

Impartiranse dúas (2) horas de docencia diarias de cada disciplina en días hábiles, de luns a venres, e en horarios que fixará a Dirección da Escola. Os profesores disporán dunha (1) hora diaria de preparación das súas clases.

En función da matrícula existente, a Dirección poderá organizar o contido de cada disciplina nos grupos e horarios que se estimen máis convenientes. Por razón de seguridade en materia sanitaria, estableceranse dúas quendas en días alternos, se a matrícula o fai preciso.

A impartición dos cursos levarase a cabo nas aulas da Escola de Artes e Oficios utilizando os medios e materiais dispoñibles. Non obstante o anterior, o material de traballo de cada alumno/a (pintura, lenzos, molduras, etcétera) será por conta deste/a. Como excepción, no curso de oleiría e modelado, a Deputación poderá adquirirlle o barro a un distribuidor e

cobrarlle ao/á alumno/a a prezo de custo, sen prexuízo de que estes/as poidan adquirilo pola súa conta, se así o desexan.

3.- Prazo e procedemento de inscrición para a participación nas acción formativas:

O prazo de inscrición será durante os días 1 ao 30 de setembro de 2022, ambos incluídos. A inscrición realizarase no Centro Cultural “Marcos Valcárcel” (rúa Progreso, n.º 30) no modelo normalizado dispoñible nas ditas oficinas e esixirá o ingreso da matrícula anual establecida.

A presentación do formulario de inscrición coa acreditación de pago da matrícula permitirá entender automaticamente realizada esta. Poderán matricularse alumnos a partir dos 12 anos de idade.

4.- Prezos públicos pola participación en acción formativas:

Matrícula anual por disciplina: 50,00 €

Aboamento mensual por disciplina: 10,00 €/mes por alumno/a

A matrícula debe ser pagada no momento da inscrición, constituíndo requisito previo imprescindible para a súa efectividade.

O pago da cota mensual deberase de efectuar por adiantado nos primeiros cinco (5) días de cada mes. A falta de pago dará lugar de forma automática á suspensión do dereito de asistencia ao curso, que se manterá ata que se realice o referido pago.

O prezos públicos indicados inclúen o IVE correspondente.

Bonificacións: En todos os prezos públicos aplicaráselles unha bonificación do 100% aos/ás alumnos/as que teñan a condición de desempregados/as. A acreditación da condición de desempregado/a realizarase mediante unha certificación expedida polo Servizo Público de Emprego.

Ao abeiro do establecido no artigo 4.1.c da Ordenanza reguladora da Escola de Artes e Oficios, establécese una bonificación do 100% tanto na matrícula anual como no aboamento mensual en todas as disciplinas para as persoas con síndrome de Down e persoas cun grao de discapacidade recoñecido igual ou superior ao 33%. Para o acceso á dita bonificación, os/as interesados/as deberán acreditar o seu grao de discapacidade.

O aboamento do prezo público realizarase mediante transferencia bancaria.

2º) Ordenar a publicación deste acordo no BOP, para xeral coñecemento.

4º.- PROGRAMACIÓN DA ESCOLA PROVINCIAL DE GAITAS PARA O CURSO 2022-2023 E FIXACIÓN DE PREZOS PÚBLICOS.-

Non se producen intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1) a comisión ditamina favorablemente a adopción, por parte da Xunta de Goberno, do seguinte acordo:

1º.- Aprobar a programación da Escola Provincial de Gaitas para o curso 2022-2023, co seguinte contido:

Seguindo a programación académica contida nos programas dos distintos cursos, a actividade docente iniciárase o 1 de outubro e rematará o 30 de xuño, impartíndose hora e media semanal por materia, á parte do mesmo tempo de ensaio semanal e actuacións coas distintas agrupacións da Escola.

Cada disciplina contará con profesor específico.

A actividade docente realizarase na Escola Provincial de Gaitas situada no Campus Universitario de Ourense.

Cada alumno/a achegará o seu material didáctico.

O prazo de matrícula será do 1 de setembro ao 29 de outubro, ambas datas incluídas. Excepcionalmente poderanse realizar matrículas ao longo do curso, especialmente cando se trate de alumnos/as estranxeiros/as ou grupos de centros galegos da emigración.

O prezo da matrícula por curso académico e materia (gaita, percusión, zanfona, canto e pandeireta) será de 40 €. En caso de varios membros da mesma unidade familiar, o primeiro membro pagará 40 € por matrícula e os restantes 15 € cada un deles.

Aplicaráselles unha bonificación do 100% aos alumnos que sexan desempregados ou fillos de desempregados. A acreditación da condición de desempregado/a realizarase mediante unha certificación expedida polo Servizo Público de Emprego. Así mesmo, aos/as que teñan recoñecida a condición legal de persoa con discapacidade igual ou superior ao 33%. Para o acceso á dita bonificación, os/as interesados/as deberán acreditar o seu grao de discapacidade.

O aboamento do prezo público realizarase mediante transferencia bancaria.

A programación dos cursos así como toda a información estará dispoñible para os interesados nas dependencias da Escola de Gaitas.

OFERTA DE PRAZAS

CICLO ELEMENTAL GAITA

Preparatorio 1: 20 prazas

Preparatorio 2: 20 prazas

CICLO MEDIO GAITA

1º Curso: 40 prazas

2º Curso: 40 prazas

3º Curso: 40 prazas

CICLO SUPERIOR GAITA

1º Curso: 10 prazas

2º Curso: 10 prazas

3º Curso: 10 prazas 4º

Curso: 5 prazas

CURSO ADULTOS GAITA

1º Curso: 40 prazas

2º Curso: 20 prazas

P E R C U S I Ó N

1º Curso: 20 prazas

2º Curso: 20 prazas

3º Curso: 20 prazas

Curso especial: 10 prazas

CANTO E PANDEIRETA

Preparatorio 1: 15 prazas

Preparatorio 2: 20 prazas

1º Curso: 20 prazas

2º Curso: 20 prazas

3º Curso: 20 prazas

CURSO ADULTOS CANTO E PANDEIRETA

1º Curso: 30 prazas

2º Curso: 30 prazas

ZANFONA

1º Curso: 10 prazas

2º Curso: 10 prazas

3º Curso: 10 prazas

2º.- Ordenar a publicación deste acordo no BOP, para xeral coñecemento.

5º.- MOCIÓNS DE URXENCIA.- Trala unánime declaración da urxencia, por unanimidade, tratáronse os seguintes asuntos:

5ºA.- MODIFICACIÓN DA BASE DE EXECUCIÓN N.º 90 DO ORZAMENTO XERAL DA DEPUTACIÓN PROVINCIAL DE OURENSE.

O Sr. **secretario** da conta da proposta da Presidencia sobre este asunto.

D. Bernardo Varela López, do BNG, en primeiro lugar, formula a súa dúbida sobre o carácter retroactivo desta medida deixando claro que se trata de plasmar un acordo entre partidos políticos que aínda non tivo a súa plasmación legal, ademais sorpréndelle esta mostra da dilixencia de Democracia Ourensana e do Partido Popular en adoptar este tipo de medidas na loita contra o transfuguismo, pero recorda que cando o BNG trouxo unha moción para condenar os casos de transfuguismo nos concellos de Viana do Bolo e Castrelo de Miño eses partidos votaron en contra, por esa razón ambos partidos deberían clarificar o seu posicionamento. Por último engadir que Democracia Ourensana tamén debería cuestionarse se merece recibir as asignacións por asistencia, recordando que o deputado don Gonzalo Pérez Jácome unicamente asistiu integramente a un Pleno desde que é deputado, ausentándose durante a celebración dos demais.

D. Aurentino Alonso Araújo, do Grupo Socialista, tamén cuestiona a dilixencia de Democracia Ourensana e pide que tamén a aplique no Concello de Ourense con recortes de dereitos que se fixeron aos grupos da oposición.

O **presidente da comisión** contesta que entende que a retroactividade opera sen dúbida no ano 2022 ao tratarse do orzamento en execución e que o resto se deberá comprobar ao final do mandato.

Non se producen máis intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1) a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente a modificación da base de execución núm. 90 do orzamento xeral da entidade, relativa á contía e forma de pagamento das asignacións aos grupos políticos desta institución provincial, introducindo un novo apartado que recolla a previsión seguinte: “O grupo político prexudicado ou diminuído na súa composición por un caso de transfuguismo político non deberá sufrir mingua institucional ningunha nos medios e asignacións económicas e administrativas que como tal grupo lle correspondese con anterioridade, manténdose invariable, para os efectos da determinación do compoñente variable da asignación, o número de deputados obtidos pola formación política na convocatoria electoral precedente. No caso de existir diferenzas económicas entre as entregas a conta mensuais e as cantidades resultantes de aplicar a previsión anterior tras un caso de transfuguismo político, axustaranse estas, de proceder, na liquidación de final de mandato”.

2º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tralo anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno. O expediente considerárase definitivamente aprobado se durante o citado prazo non se presentasen reclamacións.

5ºB.- EXPEDIENTE DE MODIFICACIÓN DE CRÉDITOS MEDIANTE SUPLEMENTOS DE CRÉDITO E DUNHA TRANSFERENCIA DE CRÉDITOS ENTRE APLICACIÓNS DE GASTO DE DISTINTAS ÁREAS DO ORZAMENTO VIXENTE DA DEPUTACIÓN PROVINCIAL DE OURENSE.

D. Aurentino Alonso Araújo, do Grupo Socialista, pide que se desglosen os gastos relativos á aplicación orzamentaria 450.12/226.09 relativa a actividades culturais para ter máis información. A continuación manifesta a súa alegría de que por fin se contemple orzamento para a obra da ponte sobre o río Xares no Concello do Bolo, pedindo que se solucione igualmente o grave problema existente na estrada provincial de acceso a San Vicente de Leira. O **presidente da comisión** sinala que a inclusión no orzamento para o financiamento da obra da ponte sobre o río Xares é unha boa noticia para o Concello do Bolo e a Comarca de Valdeorras e quere agradecer tamén a implicación da Xunta de Galicia.

Non se producen máis intervencións e co voto favorable do Grupo Popular (5), de DO (1) e da deputada non adscrita e a abstención do Grupo Socialista (3) e do BNG (1) a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente o expediente n.º 3/2022 de modificación de créditos mediante suplementos de crédito e dunha transferencia de créditos entre aplicacións de gasto de distintas áreas do orzamento vixente da Deputación Provincial de Ourense, co seguinte detalle:

SUPLEMENTOS DE CREDITOS

APLICACION	DESCRICIÓN	IMPORTE €
920.11/227.00	Pazo Provincial. Limpeza e aseo	43.000,00
334.20/489.01	Actividades .culturais e recreativas. Outras transferencias Plan Tarazana	100.000,00
450.12/226.09	Cooperación provincial. Actividades culturais e recreativas	212.000,00
450.12/762.01	Cooperación provincial. A Concellos. Subvencións. Convenios	51.200,00
TOTAL, SUPLEMENTOS DE CRÉDITO		406.200,00

RECURSOS UTILIZADOS

Remanente Tesourería. Subconcepto 870.00 para financiar gastos xerais	406.200,00 €
--	---------------------

Nas bases de execución do orzamento da Deputación Provincial de Ourense procede concretar o capítulo VII de gastos que se ve modificado neste expediente, polo que se procede á especificación da aplicación para a que se habilite crédito nesta modificación orzamentaria:

450.12/762.01 “ Cooperación provincial. A concellos. Subv. Convenios”

Beneficiario	Finalidade	Importe
Concello do Bolo	Reparación da Ponte da Barxa sobre o río Xares	51.200,00 €

O expediente de transferencias de créditos entre as aplicacións de gasto do orzamento vixente non comprometidas pertencentes a distintas áreas, será o seguinte:

<i>Aplicación</i> <i>QUE CEDE o crédito</i>	<i>Descrición</i>	<i>Crédito da</i> <i>aplicación que</i> <i>SE CEDE</i>
334.20/226.17	Actividades culturais e recreativas. Ourenrock Sound	40.000,00 €

<i>Aplicación</i> <i>QUE RECIBE o crédito</i>	<i>Descrición</i>	<i>Crédito da</i> <i>aplicación que</i> <i>SE RECIBE</i>
450.12/226.09	Cooperación provincial. Outras actividades culturais e recreativas	40.000,00 €

Esta modificación non altera a súa contía total, impútase o importe total do crédito a outra partida orzamentaria con diferente nivelación xurídica.

2º.- De acordo co artigo 169 da Lei reguladora das facendas locais, por remisión do artigo 177.2 do mesmo texto legal, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerarase definitivamente aprobado se durante o citado prazo non se presentasen reclamacións.

6º.- ROGOS E PREGUNTAS.- Non se formulan.

E, ás 17.50 horas, dáse por finalizada a reunión, redactándose a presente acta que se asinará electronicamente. Dou fe.

